

**“МОНГОЛРОСЦВЕТМЕТ” ТӨҮГ-ЫН ҮЙЛ АЖИЛЛАГААТАЙ ХОЛБООТОЙ ҮҮССЭН  
ХУУЛЬ, ЭРХ ЗҮЙН МАРГААНЫ ШИЙДВЭРЛЭЛТ**

/2024 оны 06 дугаар сарын 5/

№	Хэргийн харьяалал	Хэргийн оролцогч	Нэхэмжлэлийн шаардлага	Хэрэг шийдвэрлэгдсэн байдал
1	Монголын Олон улсын арбитр	Нэхэмжлэгч: “Монголросцветмет” ТӨҮГ Хариуцагч: “Апекс ван хөгжил” ХХК	2021 оны 9 дүгээр сарын 17-ны өдөр MR-2021-03-290 тоот “Худалдах, худалдан авах гэрээ” байгуулан 792.4 тонн флотацын жоншны баяжмал ФФ95Б худалдаж авсан бөгөөд гэрээний 10.3 заалтын дагуу ашигт малтмалын нөөц ашигласны төлбөр(АМНАТ)-ийг “Апекс ван хөгжил” ХХК төлөх үүрэгтэй байсан. Татварын байгууллагаас манай ТӨҮГ-аас АМНАТ 38,578,598.25 төгрөгийг суутгал хийгдсэн. Дээрх АМНАТ-д төлсөн 38,578,598.25 төгрөг, Арбитрын зардалд төлсөн 946,572 төгрөгийг “Апекс ван хөгжил” ХХК-с гаргуулж “Монголросцветмет” ТӨҮГ-т олгох тухай.	Арбитрын урьдчилсан хуралдаан болж шүүх хурлыг 2024 оны 06 дугаар сарын 06-ны өдөр товлосон. Арбитрын хэрэг хянан шийдвэрлэх ажиллагаа явагдаж байна.
2	Баянзүрх дүүргийн иргэний хэргийн анхан шатны шүүх	Нэхэмжлэгч: “Алтайн цаст уулс” ХХК; Хариуцагч: “Монголросцветмет” ТӨҮГ, Төрийн өмчийн бодлого зохицуулалтын газар	Хэнтий аймгийн Бор-Өндөр суманд байрлах MV-000174 тоот ашиглалтын тусгай зөвшөөрлийн талбайн төмөр замын бүсэд харьяалагдах 4,8 га газрыг “Алтайн цаст уулс” ХХК нь тэргүүн ээлжинд түрээслэх эрхтэй болохыг тогтоож, түрээсийн шинэ гэрээ байгуулах, хугацаа сунгахыг хариуцагч нарт даалгах тухай.	Баянзүрх дүүргийн иргэний хэргийн анхан шатны шүүхэд хариу тайлбарыг хүргүүлсэн ба сөрөг нэхэмжлэл гаргасан. Хэрэг хянан шийдвэрлэх ажиллагаа явагдаж байна.
3	Хэнтий аймгийн Бор-Өндөр сум дахь сум дундын шүүх	Нэхэмжлэгч: “Ньюланд пропертис” ХХК; Хариуцагч: “Монголросцветмет” ТӨҮГ, харьяа “Бор-Өндөр” УБУ нар.	Үндсэн нэхэмжлэл: “Монголросцветмет” ТӨҮГ-ын харьяа “Бор-Өндөр” УБУ-ийн эзэмшлийн газарт байрлах Адгийн ил уурхайн баруун талын координат /N46 17 45.2 E109 19 42.3/-д байрлах хаягдал хөрс чулуулгийн овоолгыг хууль ёсны өмчлөгчөөр тогтоож, хаягдал хөрс	Хэнтий аймгийн иргэний хэргийн давж заалдах шатны 2023 оны 06 дугаар сарын 22-ны өдрийн хурлаар Хэнтий аймгийн Бор-Өндөр сум дахь сум дундын шүүхийн 2023 оны 04 дүгээр сарын 10-ны өдрийн 157/ШШ2023/00043 дугаар шийдвэрийг

		<p>Гуравдагч этгээд: “Монро глобал” ХХК</p>	<p>чулуулгийн овоолгыг зөөвөрлөхөд саад учруулахгүй байхыг даалгах; Сөрөг нэхэмжлэл: 2018 оны 10 сарын 23-ний өдөр байгуулсан bu-018-01-019 дугаартай ХХАГ-ээс татгалзсан Бор-Өндөр УБҮ-ийн татгалзал хуульд нийцсэн, үндэслэл бүхий болохыг тогтоож, “Нью ланд пропертис” ХХК нь Адагийн уурхайн баруун талын /N46 17 45.2 E109 19 42.3/ координатад байрлах хаягдал хөрс, чулуулгийн овоолгыг гэрээний дагуу ашигласнаар олсон ашиг болох 209,016,000 төгрөгийг буцаан гаргуулах; Гуравдагч этгээдийн бие даасан шаардлага: “Нью ланд пропертис” ХХК болон “Монголросцветмет” ТӨҮГ-ын харьяа “Бор-Өндөр” УБҮ-ийн хооронд байгуулсан bu-018-01-019 дугаартай худалдах худалдан авах гэрээг цуцлагдсанд тооцуулж, “Монро глобал” ХХК-ийн “Монголросцветмет” ТӨҮГ-тай байгуулсан 2020.03.06-ны өдрийн MR-2020-02-04 дугаартай хамтран ажиллах гэрээг хүчин төгөлдөрт тооцуулах тухай</p>	<p>хүчингүй болгож хэргийг дахин хэлэлцүүлэхээр анхан шатны шүүхэд буцааж шийдвэрлэсэн. Хэнтий аймгийн Бор-Өндөр сум дахь сум дундын шүүхийн 2024 оны 01 дүгээр сарын 25-ны өдрийн 157/ШШ2024/00016 дугаар шийдвэрээр нэхэмжлэлийн шаардлагыг бүхэлд нь хангаж шийдвэрлэсэн. Хариуцагч “Монголросцветмет” ТӨҮГ нь дээрх шийдвэрийг эс зөвшөөрч Хэнтий аймгийн эрүү, иргэний хэргийн давж заалдах шатны шүүхэд 2024 оны 02 дугаар сарын 29-ний өдөр давж заалдах гомдол гаргасан ба гомдлыг хангаж, нэхэмжлэлийн шаардлагыг бүхэлд нь хэрэгсэхгүй болгож шийдвэрлэсэн.</p>
4	Сүхбаатар дүүргийн иргэний хэргийн анхан шатны шүүх	<p>Нэхэмжлэгч: “Монголросцветмет” ТӨҮГ Хариуцагч: “Жэй эм эс си” ХХК</p>	<p>“Монголросцветмет” ТӨҮГ нь “Жэй Эм Эс Си” ХХК-г дахин хөрөнгөжүүлэх саналтай байх ба тус компаниас 201,252,595.41 /хоёр зуун нэг сая хоёр зуун тавин хоёр мянга таван зуун ерэн таван төгрөг дөчин нэгэн мөнгө/ төгрөгийг гаргуулж “Монголросцветмет” ТӨҮГ-ыг хохиролгүй болгуулах тухай</p>	<p>Сүхбаатар дүүргийн иргэний хэргийн анхан шатны шүүх дампуурлын хэрэг үүсгэн хэрэг хянан шийдвэрлэх ажиллагаа явагдаж байна.</p>
5	Сүхбаатар дүүргийн иргэний хэргийн анхан шатны шүүх	<p>Нэхэмжлэгч: “Монголросцветмет” ТӨҮГ Хариуцагч: “Миг даатгал” ХХК</p>	<p>“Монголросцветмет” ТӨҮГ болон “Миг даатгал” ХХК нарын хооронд 2022 оны 06 дугаар сарын 20-ний өдөр байгуулсан MR-2022-06-14 тоот “Гэнэтийн ослын даатгалын гэрээ”-ний нөхөн төлбөрт 18,000,000 (арван найман сая) төгрөг, алданги 9,000,000 (есөн сая) төгрөг, нийт</p>	<p>СБДИХАШШ-ийн 2024 оны 01 дүгээр сарын 09-ний өдрийн 181/ШШ2024/00114 дугаар шийдвэрээр нэхэмжлэлийн шаардлагыг бүхэлд нь хангаж шийдвэрлэсэн. Хариуцагч тус шүүхийн шийдвэрийг эс зөвшөөрч Нийслэлийн иргэний хэргийн давж заалдах</p>

			27,000,000 (хорин долоон сая) төгрөгийг “Миг Даатгал” ХХК-иас гаргуулах тухай	шатны шүүхэд гомдол гаргасан ба тус шүүхийн 2024 оны 03 сарын 15-ны өдрийн 210/МА2024/00516 дугаар магадлалаар СБДИХАШШ-ийн 181/ШШ2024/00114 дугаар шийдвэрийг хэвээр үлдээж гомдлыг хангаагүй. Хариуцагч магадлалыг эс зөвшөөрч Улсын дээд шүүхийн Иргэний хэргийн тэнхимд гомдол гаргасан ба тус шүүхийн нийт шүүгчдийн хуралдаанаар гомдлыг хэлэлцүүлэхээс татгалзсан.
6	Шүүхийн шийдвэр гүйцэтгэх ерөнхий газар	Нэхэмжлэгч: “Монголросцветмет” ТӨҮГ Хариуцагч: “Ганболд металл” ХХК	Төмрийн хүдрийн үлдэгдэл төлбөр болох 14,259.15 ам.доллар буюу 38,005,197.67 төгрөгийг “Ганболд металл” ХХК-иас гаргуулж “Монголросцветмет” ТӨҮГ-т олгох тухай шүүгчийн захирамжийг гүйцэтгүүлэх тухай	Шийдвэр гүйцэтгэлийн ажиллагаа явагдаж байна.
7	Шүүхийн шийдвэр гүйцэтгэх ерөнхий газар	Нэхэмжлэгч: “Монголросцветмет” ТӨҮГ Хариуцагч: “Бат Универсал” ХХК	“Монголросцветмет” ХХК болон “Бат Универсал” ХХК нарын хооронд 2009 оны 12 дугаар сарын 25-ний өдөр байгуулсан MR-2009-06-40 тоот “Балансын бус овоолго худалдах, худалдан авах гэрээ”-ний үлдэгдэл төлбөр 18,700,000 (арван найман сая долоон зуун мянган) төгрөг, алданги 9,350,000 төгрөг, нийт 28,050,000 (хорин найман сая тавин) төгрөгийг “Бат Универсал” ХХК-иас гаргуулах тухай	Шийдвэр гүйцэтгэлийн ажиллагаа явагдаж байна.
8	Шүүхийн шийдвэр гүйцэтгэх ерөнхий газар	Нэхэмжлэгч: “Монголросцветмет” ТӨҮГ Хариуцагч: “Мөнхөд гэрэлтэх транс” ХХК	Монголын олон улсын арбитрын 2022 оны 10 дугаар сарын 06-ны өдрийн 758 дугаар шийдвэрээр “Талуудын эвлэрлийг баталгаажуулж, арбитрын ажиллагааг дуусгавар болгох тухай” шийдвэр гарсан. “Мөнхөд гэрэлтэх транс” ХХК-тай 2022 оны 09 дүгээр сарын 28-ны өдөр MR-2022-06-25 дугаар “Эвлэрлийн гэрээ”-г байгуулсан	Эвлэрлийн гэрээний дагуу хариуцагч үүргээ биелүүлээгүй тул Хэнтий аймгийн Бор-Өндөр сумын сум дундын шүүхэд Арбитрын шийдвэрийг албадан гүйцэтгүүлэх тухай хүсэлт гаргасан.  Дээрх шүүхийн шүүгчийн 2023 оны 4-р сарын 7-ны өдрийн 157/ШЗ2023/00186 дугаар захирамж гарч Хэнтий аймгийн Бор-

				Өндөр суманд шийдвэр гүйцэтгэх ажиллагаа хуулийн дагуу хийгдэж байна.
9	Монголын олон улсын арбитр	Нэхэмжлэгч: “Монголросцветмет” ТӨҮГ Хариуцагч: “Inner Mongolia Bochen energy” Co., Ltd	БНХАУ-ын “Inner Mongolia Bochen energy” Co.,Ltd, захирал Fan Wenbo-д холбогдох арбитрын хуралдаанд оролцсон бөгөөд Монголын Олон Улсын арбитрын 2022 оны 10 дугаар сарын 28-ны өдрийн 952 дугаар шийдвэрээр нийт 83,079.5 ам.долларыг БНХАУ-ын “Inner Mongolia Bochen energy” Co.,Ltd гаргуулан нэхэмжлэгч “Монголросцветмет” ТӨҮГ-т олгохоор шийдвэрлэсэн шийдвэрийн биелэлтийг хангуулах тухай	Арбитрын шийдвэрийг гүйцэтгүүлэхээр өргөдөл , холбогдох бусад баримт бичгийг ӨМӨЗО-ны ардын дунд шатны шүүхэд гаргаж тус шүүх дээр арбитрын шийдвэрийг хүлээн зөвшөөрүүлэх ажиллагаа хийгдэж байна.
10	Монголын олон улсын арбитр	Нэхэмжлэгч: “Монголросцветмет” ТӨҮГ Хариуцагч: “Xizhou shanghai technology” Co., ltd	БНХАУ-ын “Xizhou shanghai technology” Co., ltd-д холбогдох арбитрын хуралдаанд оролцсон бөгөөд 2022 оны 12 дугаар сарын 16-ны өдрийн шийдвэрээр нийт 228,484.88 ам.долларыг БНХАУ-ын “Xizhou shanghai technology” Co.,Ltd гаргуулан “Монголросцветмет” ТӨҮГ-т олгохоор шийдвэрлэсэн шийдвэрийн биелэлтийг хангуулах тухай	Арбитрын шийдвэрийг гүйцэтгүүлэхээр тус шийдвэрийг хятад хэл дээр баталгаат орчуулга хийлгэсэн. Шүүхийн шийдвэр гүйцэтгэх өргөдөл , холбогдох бусад баримт бичгийг харьяалах шүүхэд гаргахаар бэлтгэн ажиллаж байна.